

ა(ა)იპ „ბათუმის კორპუსი“



„ბინათმესაკუთრეთა ამხანაგობების განვითარების ხელშეწყობის“ პროგრამის
ფარგლებში, ქ. ბათუმში, ინასარიძის ქ №22-ში (9 სართულიანი) მდებარე საცხოვრებელი
სახლის სახურავის ნაწილის მოწყობის სამუშაოების შესყიდვის

ელექტრონული ტენდერის

სატენდერო დოკუმენტაცია

ქ. ბათუმი

2015



სარჩევი

1. <u>საკვალიფიკაციო მოთხოვნები</u>	3
2. <u>ტექნიკური დოკუმენტაცია</u>	4
3. <u>დანართი №1, ინფორმაცია პრეტენდენტის გამოცდილების შესახებ</u>	9
4. <u>დანართი №2, ფასების ცხრილი</u>	10
5. <u>გეგმა-ნახაზი</u>	12
6. <u>CPV - 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები; CPV45261210 - სახურავის გადახურვა; 45261213 - სახურავის გადახურვა ლითონის საფარით</u>	

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.



1. საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1 იურიდიული პირებისათვის:

ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

1.2 ფიზიკური პირებისათვის:

ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება.

1.3 იურიდიული და ფიზიკური პირებისათვის:

ა) ცნობა საქართველოს საჯარო რეესტრის ეროვნული სააგენტოდან, იურიდიული ან/და ფიზიკური პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

1.4 საკვალიფიკაციო მონაცემების წარმოდგენა:

ა) საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ (წინადადების მიღება დაწყებულია).

ბ) საკვალიფიკაციო მონაცემების დამადასტურებელი დოკუმენტები წარმოდგენილი უნდა იქნას დედნის ან ნოტარიულად დამოწმებული ასლების სახით; საკვალიფიკაციო მონაცემების დამადასტურებელი დოკუმენტების (ელექტრონული სახით) წარმოდგენა შესაძლებელია სისტემის მეშვეობით.

გ) არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2. ტექნიკური დოკუმენტაცია

2.1 შესყიდვის ობიექტის მოცულობა:

ქ. ბათუმში, ინასარიძის ქ №22-ში (9 სართულიანი) მდებარე საცხოვრებელი სახლის სახურავის ნაწილის მოწყობის სამუშაოები. იხ. დანართი №2.

2.2 ტექნიკური პირობები:

2.2.1. გამოყენებული მასალის მახასიათებლები:

ა) ყველა გამოყენებული მასალა უნდა იყოს ახალი (გარდა ხის ნაწარმისა), მაღალხარისხიანი და უნდა შეესაბამებოდეს საქართველოს ეკონომიკისა და მდგრადი განვითარების მინისტრის 2010 წლის 18 თებერვლის N1-1/251 ბრძანებით დადგენილ სამშენებლო წესებსა და ნორმებს.



ბ) თუნუქი - ფერი პროექტის შესაბამისად ან/და შემსყიდველთან შეთანხმებით, (საერთაშორისო RAL - ის კატალოგის მიხედვით დამზადებული) ფასების ცხრილის შესაბამისად, სისქე: საპროექტო დოკუმენტაციის შესაბამისად ან/და 0,50 მმ.

გ) წყალშემკრები ღარი - 32 - 35 სმ სიგრძის შეღებილი, თუნუქი მრავალფენიანი დამცავი საშუალებებით; ძირი 10 - 11 სმ; უკანა სიმაღლე 9,6 - 10 სმ; წინა სიმაღლე 12 - 13 სმ; 0,45 - 0,50 მმ სისქე.

დ) წყალშემკრები ღარის კაუჭი: ფოლადი, რომლის სისქე შეადგენს 3 მმ, კაუჭის სიგრძე რომლისგანაც აქსესუარი არის დამზადებული 50 - 51 სმ, სიგანე 21 - 22 მმ;

ე) წყალსაწრეტი მილი: დამზადებული 0,45 - 0,50 მმ სისქის თუნუქი, შეღებილი მრავალფენიანი დამცავი საშუალებებით საერთაშორისო RAL - ის კატალოგის მიხედვით; ტექნიკური მონაცემები: 100 მმ x 50 მმ.

საორიენტაციო ნიმუში:



2.2.2. სამუშაო ადგილის მომზადება, გარემოს დაცვა:

მიმწოდებელი პასუხისმგებელია:

- ა) შეასრულოს სამუშაოები შრომის უსაფრთხოების პირობების დაცვით;
- ბ) უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების მინიმუმამდე დაყვანა;
- გ) უზრუნველყოს სამუშაო ადგილის ფარგლებში მდებარე ხეების და მცენარეების სიცოცხლისუნარიანობა;
- დ) მინიმუმამდე დაიყვანოს სამუშაოებთან დაკავშირებული ხმაურის, ვიბრაციის და მტვერის გავლენა გარემოზე;
- ე) ყველა სახის მოსამზადებელი სამუშაოების დაწყება შეთანხმებული უნდა იყოს ა(ა)იპ „ბათუმის კორპუსთან“, წარმოდგენილი გრაფიკის მიხედვით;
- ვ) სამუშაოების დასრულების შემდეგ შემსრულებელი თავისი ძალებით და სახსრებით სამი დღის განმავლობაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან და ა.შ;
- ზ) სამუშაოების წარმოების პირობები უნდა შეესაბამებოდეს საქართველოს მოქმედი კანონმდებლობით და დგენილ წესებსა და ნორმებს.



2.2.3. სამუშაოთა შესრულების წესი

- ა) შემსრულებელი სამუშაოებს აწარმოებს ხელშეკრულებით განსაზღვრულ ობიექტზე;
- ბ) სამუშაოების შესრულების წესი განისაზღვრება ამ თავით და ხელშეკრულების პირობებით. შემსრულებელმა უნდა აწარმოოს ფარული სამუშაოების აქტები იმ სამუშაოებზე, რომლებზეც საჭიროა აღნიშნული დოკუმენტაციის წარმოება;
- გ) შემსრულებელმა უნდა აწარმოოს საშემსრულებლო ტექნიკური დოკუმენტაცია. სამუშაოების დასრულების შემდეგ შემსყიდველს უნდა წარუდგინოს პროექტის შესრულების შესახებ საერთო ანგარიში (დასურათებული, ელექტრონული და ბეჭდური ფორმით). სამუშაოების შესრულების პროცესში უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოების და შუქნიშნების დაყენება;
- დ) მშენებლობის დროს აუცილებელია СНиП-ებით ხელმძღვანელობა, შესრულება და დაცვა მათი მოთხოვნებისა შრომის დაცვასა და უსაფრთხოების ტექნიკაში. მომუშავენი უზრუნველყოფილი უნდა იყვნენ ინდივიდუალური დაცვის საშუალებებით და ასევე უნდა სრულდებოდეს საერთო კოლექტიური დაცვის ღონისძიებებიც. აუცილებელია უსაფრთხოების ტექნიკის, საწარმოო სანიტარიის და ხანძარსაწინააღმდეგო მოქმედი წესების, ნორმებისა და ინსტრუქციების დაცვა.

2.2.4. სამუშაოთა წარმოების ჟურნალი

- ა) სახელშეკრულებო ობიექტზე შემსრულებელმა უნდა აწარმოოს სამუშაოთა წარმოების ჟურნალი, სადაც ყოველდღიურად ჩაწერს დღიური შესრულებული სამუშაოების მოცულობას, შემსრულებელი პერსონალის მონაცემებს, გამოყენებული მექანიზმების და მოწყობილობების ჩამონათვალს, რომელიც მონაწილეობდა სამუშაოს შესრულებაში, ხარისხის დაცვის პროცედურებს და სხვა. ამ ჟურნალში ტექზედამხედველი სისტემატიურად აღნიშნავს თავის შენიშვნებს, დაკვირვებებს და რეკომენდაციებს სამუშაოს წარმოების შესახებ. ჟურნალში ჩაიწერება განსაკუთრებული დავალებები, აღმოჩენილი დეფექტები და მათი აღმოფხვრის ვადები;
- ბ) მიმწოდებელმა უნდა აწარმოოს ყველა საშემსრულებლო ტექნიკური დოკუმენტაცია, რომელიც განსაზღვრულია მოქმედი სამშენებლო ნორმებით და სტანდარტებით ობიექტის სპეციფიკის გათვალისწინებით.

2.2.5. ნორმატიული დოკუმენტები

მუშაოების პროცესში შემსრულებელი ვალდებულია სამუშაოები შეასრულოს მოქმედი სტანდარტების მიხედვით:

- ა) СНиП II-26-76 სახურავები.

2.3 ინფორმაცია პრეტენდენტის გამოცდილების შესახებ:

- ა) ტენდერში მონაწილე პრეტენდენტს უკანასკნელი 5-6 წლის განმავლობაში (2009, 2010, 2011, 2012, 2013, 2014 და 2015 წლის 01 სექტემბრამდე) შესრულებული უნდა ჰქონდეს ტენდერით გათვალისწინებული ანალოგიური ხასიათის, სირთულისა და შინაარსის (სახურავების მშენებლობა, რეკონსტრუქცია, რემონტი) სამუშაოები საერთო ღირებულებით არანაკლებ 100 000,00 ლარის ოდენობით;



ბ) ინფორმაცია წარმოდგენილი უნდა იქნეს **დანართი №1-ის** შესაბამისად;

გ) პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულისა და შინაარსის სამუშაოს შესრულების დამადასტურებელი დოკუმენტების ასლები (ხელშეკრულების ასლები, სამუშაოს შესრულების დამადასტურებელი დოკუმენტი (მიღება-ჩაბარების აქტის ასლები, ფორმა №2 ან/და სხვა დამადასტურებელი დოკუმენტი)). **ეს მოთხოვნა არ ვრცელდება ა(ა)იპ „ბათუმის კორპუსის“ დაკვეთით შესრულებულ სამუშაოებზე.**

2.4 ფასების ცხრილი:

ა) ფასების ცხრილი წარმოდგენილ უნდა იქნეს **დანართი №2-ის** შესაბამისად;

ბ) ფასში ასახული უნდა იყოს საქართველოს კანონმდებლობით გათვალისწინებული ყველა გადასახადი.

გ) თუ პრეტენდენტი არ არის დამატებითი ღირებულების (დღგ-ს) გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დამატებული ღირებულების (დღგ-ს) გარეშე, (პრეტენდენტმა სატენდერო წინადადებასთან ერთად უნდა წარმოადგინოს შესაბამისი დოკუმენტი უფლებამოსილი ორგანოდან, რომ არ არის რეგისტრირებული დღგ-ს გადამხდელად).

დ) თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მეასედებამდე. შესაბამისად, შეამციროს საერთო ფასიც.

ე) იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

2.5 ხელშეკრულების აუცილებელი პირობები:

2.5.1 ანგარიშსწორების პირობა:

ა) ანგარიშსწორების ფორმა - უნაღდო, ვალუტა - ლარი;

ბ) ანგარიშსწორება მიმწოდებელთან განხორციელდება ეტაპობივად, ფაქტიურად შესრულებული სამუშაოს შესაბამისად, გადახდის სერთიფიკატის, მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენის შემდეგ 10 (ათი) დღის განმავლობაში;

გ) ხელშეკრულებით ნაკისრი ვალდებულებების შეუსრულებლობის შემთხვევაში შესაბამის სახაზინო კოდზე ჯარიმის გადახდის ქვითრის წარმოდგენის შემდეგ 10 (ათი) დღის განმავლობაში;

დ) სახელშეკრულებო ღირებულების 97% პროცენტის ანაზღაურებას უზრუნველყოფს ე(ა)იპ „ბათუმის კორპუსი“, ხოლო 3 % პროცენტის ანაზღაურებას უზრუნველყოფს ბინათმესაკუთრეთა ამხანაგობა, „ძალა ერთობაშია“.

ე) საავანსო ანგარიშსწორება არ გამოიყენება.



2.5.2 ხელშეკრულების პირობების შეუსრულებლობა:

- ა) ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,5 %-ის ოდენობით;
- ბ) იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 5%-ს, შემსყიდველს უფლება აქვს შეწყვიტოს ხელშეკრულება;
- გ) საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;
- დ) ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

2.5.3 შესრულების ვადა და გეგმა-გრაფიკი:

- ა) სამუშაოების შესრულების ვადაა - ხელშეკრულების გაფორმებიდან 15 კალენდარული დღე.
- ბ) მიმწოდებელმა უნდა წარმოადგინოს სამუშაოს შესრულების გეგმა-გრაფიკი.

2.5.4. გარანტია-დეფექტებზე პასუხისმგებლობის პერიოდი:

- ა) საგარანტიო პერიოდი შეადგენს 60 თვეს სამუშაოების დასრულებიდან.

2.6 ხელშეკრულება სახელმწიფო შესყიდვის შესახებ:

- ა) ხელშეკრულების საბოლოო ვარიანტი დაზუსტდება ელექტრონულ ტენდერში გამარჯვებულ პრეტენდენტთან ხელშეკრულების გაფორმების პროცესში, გარდა სატენდერო დოკუმენტაციის 2.5. პუნქტისა განსაზღვრული მოთხოვნებისა.

2.7 პრეტენდენტი პირის რეკვიზიტები:

- პრეტენდენტის იურიდიული ფორმა და დასახელება
- საიდენტიფიკაციო კოდი/ ნომერი
- პრეტენდენტის იურიდიული და ფაქტიური მისამართი:
- ხელმძღვანელის სახელი, გვარი
- პრეტენდენტის ტელეფონის ნომერი: ☎ ტელ.: ; 📠 ფაქსი.: ; 📱 მობ.: ;
- ელექტრონული მისამართი, E-mail:
- ბანკის დასახელება
- ბანკის კოდი
- ანგარიშსწორების ანგარიში

2.8 პრეტენდენტმა უნდა უზრუნველყოს:

- ა) სატენდერო დოკუმენტაციით განსაზღვრული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში, შემდეგი თანმიმდევრობით:

- ფასების ცხრილი;
- ტექნიკური პირობები;
- ინფორმაცია პრეტენდენტის გამოცდილების შესახებ;
- ხელშეკრულების აუცილებელი პირობები;
- სამუშაოს შესრულების გეგმა-გრაფიკი;
- პრეტენდენტი პირის რეკვიზიტები.



ბ) ყველა დოკუმენტი ხელმოწერილი და ბეჭედდასმული უნდა იყოს უფლებამოსილი პირის მიერ.

2.9 საკონტაქტო ინფორმაცია:

სატენდერო დოკუმენტაციასთან დაკავშირებული ინფორმაციის მიღება პრეტენდენტს შეუძლია სატენდერო კომისიის აპარატში, ფაქტ. მის.: ნ. იმნაძის ქ. №1; E-mail: batumiskorpu-si@gmail.com; საკონტაქტო პირი: ნინო კვაჭაძე, ტელეფონი: (0422) 29 30 89.



ა(ა)იპ „ბათუმის კორპუსი“

ქ. ბათუმში, ინასარიძის ქ. №22-ში (9 სართულიანი) მდებარე საცხოვრებელი სახლის სახურავის ნაწილის მოწყობის სამუშაოების შესყიდვის ელექტრონული ტენდერის სა-ტენდერო დოკუმენტაცია

3. დანართი №1

ინფორმაცია პრეტენდენტის გამოცდილების შესახებ

N	სამუშაოს დასახელება (თითოეული ობიექტის მიხედვით)	შემსყიდველის დასახელება	ხელშეკრულების ღირებულება	გაწეული სამუშაოების ღირებულება
1				
...				
ჯამი (2009 წელი)				
1				
...				
ჯამი (2010 წელი)				
1				
...				
ჯამი (2011 წელი)				
1				
...				
ჯამი (2012-2013-2014-2015 წ.წ.)				
სულ ჯამი:				

პრეტენდენტის ხელმოწერა _____ ბ.ა

ფასების ცხრილი

პრეტენდენტის დასახელება _____

სატენდერო წინადადების ფასი _____

1. ქ. ბათუმში, ინასარიძის ქ №22-ში (9 სართულიანი) მდებარე საცხოვრებელი სახლის სახურავის ნაწილის მოწყობის სამუშაოები.

№	სამუშაოს დასახელება	განზომილების ერთეული, რაოდენობა		ერთეუ- ლის ფასი (ლარი)	საერთო ფასი (ლარი)
1	არსებული სახურავის დაშლა, ხის მოლარტყვის ფენილის დაშლით	100 კვმ	1,057		
2	დაშლილი სახურავის ჩამოზიდვა და ა/მანქანებზე დატვირთვა	კბმ	4,69		
3	სამშენებლო ნაწარმების გატანა ა/მანქანებზე	ტ	2,87		
4	ხის სანივნივე სისტემის მოწყობა	1 კბმ	2,90		
5	ხის კონსტრუქციების ანტიკეპტირება	100 კვმ	1,057		
6	ხის კონსტრუქციების დამუშავება ხარძარსაწინააღმდეგო ხსნარით	100 კვმ	1,057		
7	პროფილირებული ფერადი თუნუქის სახურავის მოწყობა ხის ახალი მოლარტყვის მოწყობით 0,50 მმ სისქით	100 კვმ	1,057		
8	ფერადი თუნუქის წყალშემკრები ლარის მოწყობა	100 გრძმ	0,134		
9	ფერადი თუნუქის ოთხკუთხა წყალსაწრეტი მილის მოწყობა	100 გრძმ	0,28		
ჯამი:		ლარი			
დღგ		ლარი	18 %		
სულ ჯამი:		ლარი			

პრეტენდენტის ხელმოწერა _____ ბ.ა

შენიშვნა: ხარჯთაღრიცხვის შედგენისას იხელმძღვანელოთ 2014 წლის 14 იანვრის სა-
ქართველოს მთავრობის №55 დადგენილებით.

საერთო ფასების ცხრილი

№	დასახელება	სახარჯთაღრიცხვეო ღირებულება (ლარი)	მათ შორის:		ბინათმესაკუთრეთა ამხანაგობის დასახელება
			ა(ა)იპ „ბათუმის კორპუსი“ დაფინანსება 97 % (ლარი)	ბინათმესაკუთრეთა ამხანაგობის თანადაფინანსება 3% (ლარი)	
1	ქ. ბათუმში, ინასარიძის ქ №22-ში (9 სართულიანი) მდებარე საცხოვრებელი სახლის სახურავის ნაწილის მოწყობის სამუშაოები				„ძალა ერთობაშია 2006“

პრეტენდენტის ხელმოწერა _____ ბ.ა.